

mandoe in Anglia per tratar lo abochamento con quella Maestà, et haveano coneluso l'abocharsi; ma non si sa el tempo. *Item*, che monsignor di Lutrech, stato governador dil Stato di Milan, era zonto de li et fato bon officio per la Signoria nostra, dicendo che stando questi do Stadi uniti non è da temer. *Etiam* zercha le cosse di Verona e li tratamenti per alcuni malevoli haveano ditto che si tratava acordo tra la Cesarea Maestà et la Signoria nostra, et che . . . *Item*, di grandissime feste fate de li per il carlevar, zostre e bagordi, si per aqua come per tera etc. Solicita la expedition dil suo successor, che oramai è tempo di venir a repatriar.

Di Milan, dil secretario Caroldo. Come hanno di Zenoa, el corsaro turco ussite l'anno passato a Zerbi, era grosso di navili e ben visto e acarezato da' mori; et che a tempo nuovo voleva armar et venir fuora a' danni de chi potrà.

Da poi disnar, fo Colegio di la Signoria e Savii, e voleano cavar li boletini di creditori dil Monte Nuovo; *tamen* veneno sier Domenego Trivixan el cavalier procurator, e sier Andrea Griti procurator, è in Colegio, e sier Lunardo Mozenigo savio dil Consejo provedadori sopra il Monte Nuovo, et disseno non esser tempo de cavar ancora, perchè tutti non hanno dati li soi boletini di credito; e cussi fo termenato indusiar a cavar ditti boletini.

Et alditeno li oratori di la comunità di Verona in contraditorio con li distretuali, zercha le angarie da esser fate per la fabrica de la terra, e cavar li fossi etc.

In questa sera, se intese el Principe nostro esser pezorato et non sta bene; et si dubita di lui per esser vecchio molto.

A dì 6. La matina, se intese el Doxe aver auto inquieta sta note, e non haver dormito fin hore 9; *tamen* sta a l'usato.

Vene in Colegio sier Francesco Mocenigo, venuto podestà e capitano di Treviso, qual fo electo per danari, vestito de veludo cremexin, acompagnato da' soi parenti, in locho dil qual andoe Domenica sier Priamo da Leze, e andò per el Sil con barche di Padoa; et referi zercha le fabriche etc. Fo laudato *de more* da sier Andrea Foscarini viceconsier.

Da poi disnar, fo Pregadi per far el resto di Soracomiti et lecto:

Di Franza, di 22, di l'Orator; el sumario ho scripto di sopra.

Di Milan, dil Caroldo. Oltra quello ho scritto di sopra, che li a Milan, in San Francesco, predicha uno fra' Paulo Ziani di l'ordene di San Francesco,

predicha in San Francesco, veneto, qual ha gran corso di persone e fa onor a la patria.

Fu posto, per i Consieri, una permutation a Sebastian Teriera da Conejan, di una so' caxa conditionata con altre caxe, e sia conditionate: 136, 12, 5.

Fu posto, per i Consieri, una taia per *letere di 188* sier Sebastian Contarini cavalier, podestà di Vicenza, di 28 Fevver, di la morte di Zuan Francesco di Vale citadin de li, in la villa di Brendola, chi acuserà abi lire 1000, e se un di compagni acuserà, sia assolto: 118, 5, 2.

Fu posto, per i Consieri, Cai di XL e Savii, suspension per do anni dil debito di sier Francesco da Mosto qu. sier Piero; et fu preso.

Fu posto, per i Consieri, Cai di XL, et Savii dil Consejo e Terra ferma, atento che alcuni Patroni non abitano in le caxe di l'Arsenal, qual fono fabricate aziò abitaseno li, però sia preso che li Patroni tutti debano in termene de zorni 8 esser andati ad abitar in dite caxe, *aliter* siano electi, in loco loro; et *de cætero* quelli sarano electi 8 zorni poi acetado debano andar ad abitar, *aliter* siano electi altri in loco suo, *ut in parte*; fu presa. Ave 190, 4, 1. E nota. Sier Marin Justinian e sier Piero Venier Savii ai ordeni, voleano esser nominati et meter sconto, e li Consieri terminono non poteseno meter, et nulla li valse; sichè haveno pacientia e li fo fato torto, perchè li Savii ai ordeni poteva impazarsi.

Election di 6 Soracomiti.

Sier Andrea Tiepolo, fo podestà a Montagnana, qu. sier Polo	76.120
Sier Lorenzo Vituri, el Cao di XL, qu. sier Daniel	90.105
† Sier Vincenzo Zantani, fo governador di le galie di Fiandra, qu. sier Zuane .	123. 76
Sier Vincenzo Baxadona, fo podestà a Porto Bufolè, qu. sier Zuan Francesco	39.158
Sier Antonio Badoer, fo conte a Puola, qu. sier Giacomo, qu. sier Sebastian el cavalier	65.121
Sier Gabriel Vendramin qu. sier Lunardo	65.129
Sier Nicolò Sanudo, è soracomito, qu. sier Beneto	69.128
Sier Polo Justinian, fo soracomito, qu. sier Piero.	77.118